

"Pada sambutan itu, turut diadakan penyerahan Anugerah Perdana Belia Negeri bagi meraikan kejayaan belia
Khairy Jamaluddin



HARIAN METRO

'UPM kami datang'

■ Hari Belia 2016 angkat tema 'The Future Is Now'

FOTO: FARIZ ISWADI ISMAIL

Siti A'isyah Sukaimi

sitiisyah@hmetro.com.my

Putrajaya

Universiti Putra Malaysia (UPM) Serdang, Selangor dipilih sebagai lokasi penganjuran Hari Belia Negara 2016 anjuran Kementerian Belia dan Sukan yang akan berlangsung pada 15 Mei ini.

Menteri Belia dan Sukan Khairy Jamaluddin berkata, berbanding sebelumnya, Hari Belia Negara diadakan di Pusat Pentadbiran Kerajaan Persekutuan di sini pada setiap tahun, namun kali ini ia diadakan di universiti awam (UA) itu.

Menurutnya, objektif utama penganjurannya adalah bagi memberi pengiktirafan dan penghargaan kepada belia atas sumbangan mereka kepada pembangunan negara.

"Pada sambutan itu, turut



KHAIRY mencuba basikal 'drift' ketika melawat pameran selepas menyempurnakan Majlis Pra-Pelancaran Hari Belia Negara 2016 di Kementerian Belia dan Sukan, Putrajaya.

diadakan penyerahan Anugerah Perdana Belia Negeri bagi meraikan kejayaan belia yang menunjukkan potensi diri cemerlang kepada masyarakat dan negara.

"Anugerah ini terdiri daripada lima kategori iaitu

Anugerah Perdana Belia Negera (Pertubuhan Belia), Anugerah Perdana Belia Negera (Lelaki), Anugerah Perdana Belia Negera (Wanita), Anugerah Emas Remaja Perdana dan Anugerah Khas," katanya pada sidang media

Majlis Pra-Pelancaran Hari Belia Negara 2016, kelmarin. Beliau berkata, tema Hari Belia pada tahun ini ialah 'The Future Is Now' selari dengan peranan belia yang akan menerajui negara pada masa akan datang.